

YANDI ME TELEMA – GUIDE YA BALESO

NB: Na kusadila mukanda yai na bana na nsi ya 3eme Primaire, bana yonso ta sala theatre na kimvuka.

Mpila kusadila baleso yai:

1. Kabisa leso na bandambu ya nkufi, verse mosi, zole to tatu na konso ndambu.
2. Na konso ndambu, beto sala mambu yai ti bana:
 - A. **Kutanga verse** to, kana yo kele nda, kulonga mabanza na yo.
 - B. **Kuyula baquestio** sambu bana yindula mbote-mbote mambu ya bo me wa.
 - C. **Kusala mwa-theatre** ya kusonga mambu ya lutaka kaka na ndambu ya baverse ya beto me tanga.
 - D. **Yimba** mambu ya beto me mona na mwa-kitini ya nkunga. Longi mosi ke tula ton ya nkunga yina. Yo fweti vanda ve nkunga ya bana ke zaba, sambu yo kele kaka kitini ya nkufi to phrase mosi. Yimba yo mbala ndambu mingi tii ntangu ya bana me simba yo mbote.

NB: Beto me sala Leso 1 na detail bonso mbandu na kusonga mpila ye kusala mambu yai. Na nima, longi mosi ta kabisa ti ta yindula inki theatre ti inki kitini ya kuyimba. Kana leso kele nda kutula kiteso ya baverse 20, mbote kulanda yo bamposo zole, bonso beto me sala na baleso 1 ti 2.

3. Na nsuka ya kulonga leso, tuba diaka mabanza ya nene ya leso yina.
4. Songa devoir sambu na bakristo. Yo ta vanda mfunu, na mposo na nima, ya kulomba rapport sambu na devoir yina.

5. Longa verse ya leso. Bana ta longuka yo nswalu kana longi tula yo na nkunga.

6. Na ntwala bana basika, sala invitation na kubinga bana na Yesu ya me yamba Yandi ntete ve na luzingu na bo. Nge lenda sala invitation na bandinga bonso yai:

“Yesu zola gulusa nge bubu. Kana nge me yamba Yandi ntete ve bonso Ngulusi ti Mfumu na nge, kansi bubuyai nge zola yamba Yandi, ntangu bana ya nkaka basika, nge bikala awa (songa na inki kiti). Mono ta kwisa sadisa nge na kuzaba Yesu Kristo.”

7. Na nima ya ecodim, nge fweti sadisa bana ya me ndima invitation, yina ya me kwenda kuvanda na sika ya nge me songa. Sadila bacarte ya kutwadisa, to tendula bo verse bonso Yoane 1:12. Twadisa bo na bisambu sambu na kuyamba Yesu, ye baka bazina na bo. Kana dibundu na nge kele na classe ya balandi, yai kele ntangu ya mbote ya bo lenda kota na yo.

Musoniki ya guide yai ti traducteur ya mukandda YANDI ME TELEMA: Maman Lorella Rouster

Contactez Ministères pour Chaque Enfant:

Email: mayelekilele@yahoo.fr

(Rév. Pasteur Mayele Kilele Jean-Pierre, Rep. Legal)

Website: www.geocities.com/mcedcr

**Ministères pour Chaque Enfant
République Démocratique du Congo**

**Maison “Gloire à Dieu, penepene na Marché IPN
Kinshasa, DRC
www.teachingforafrica.com**



Leso 1 YOBI.

Leso ya Kulonga: Yobi ch. 1 Foto-Page 1

Kikuma: Beto kanga ntima na ntangu ya mpasi, sambu beto zaba nde luzingu ya kuluta mbote kele kukwisa na nima.

NB: Leso yai kele nda, yo yina beto me kabisa yo. Beto ta longa Yobi kapu 1 na mposo ya ntete, ti kapu zole na mposo ya zole. Malongi ya nene, devoir ti verse ya kulonga ta vanda kiteso mosi.

Kuyantika: Songa histoire to mwa-theatre ke songa bakristo ya kele na mpasi. Yula bana, bo ta sala inki? Bubuyai beto zola mona mpila nsadi mosi ya Nzambi monaka mpasi, ti inki yandi salaka na ntangu ya mpasi yina.

Ndambu 1. Tanga Yobi 1:1-3

Yula: Yobi zingaka wapi? (Na nsi ya Usi) Yandi vandaka muntu ya inki mutindu? (Muntu ya mbote ya zolaka Nzambi, ya sambaka Nzambi, ya buyaka mbi.) Yobi butaka bana ikwa? (7 ya bakala ti 3 ya nkento) Yandi vandaka na bambisi ikwa? (Mingi, ya mutindu na mutindu) Yandi vandaka nsukami to mvwama? (Mvwama, sambu yandi vandaka na bambisi mingi)

Theatre:: Mwana mosi vanda Yobi. Yandi samba Nzambi. Bana ya nkaka meka kubenda yandi kusala mbi, kansi Yobi buya. Yobi tanga bana na yandi. Na nima, yandi tanga bambisi na yandi.

Kitini ya Kuyimba:: Yobi vandaka muntu ya mbote.

Theatre: Yobi tanga bana na yandi. Na nima yandi tanga bambisi na yandi.

Kitini ya Kuyimba: Yobi vandaka muntu ya mbote. Yobi vandaka mvwama.

Ndambu 2. Tanga Yobi 1:4-5

Yula: Bana ya Yobi salaka inki mambu ya kiese? (Fete ya ndambu bilumbu) Na nima ya fete, Yobi salaka inki? (Pesaka nkailu ti sambilaka bo Nzambi) Sambu na inki? (Mbala ya nkaka bo me sala mbi to mbala ya nkaka bo me finga Nzambi na ntima bo.)

Theatre: Bana ya Yobi sala fete, na nima bo vutuka na banzo na bo. Yobi pesa makabu ya mbisi na Nzambi sambu na bo, ebuna yandi sambila bo Nzambi.

Kitini ya Kuyimba: Yobi sambilaka bana na yandi Nzambi.

Ndambu 3. Tanga Yobi 1:6-7

Yula: Beto me mona ntete Yobi na nsi-ntoto, na ntoto na yandi Usi. Kansi baverse yai ke salama wapi? (Na zulu) Nani kwisaka na ntuala ya Nzambi? (Bawanzio) Nani ya nkaka kwisaka nzila mosi ti bo? (Satana) **NB:** Satana mpe kele wanzio, kansi yandi me buya Nzambi, me kuma wanzio ya mbi, mbeni ya Nzambi. Satana vandaka kusala inki? (Kutambula na nsi-ntoto)

Theatre: Mwana mosi sala bonso Nzambi. Bana ya nkaka vanda bawanzio, bo kwisa na ntuala ya Nzambi na kupesa rapport na bo. Mwana mosi sala bonso Satana. Yandi tambula na ntoto na bisika yonso, na nima, yandi mpe kwisa na ntuala ya Nzambi. Nzambi yula yandi, Nge me katuka wapi? Satana vutula, “Mono vandaka kukwenda kutambula na nsi-ntoto.”

Kitini ya Kuyimba: Satana tambulaka na nsi-ntoto, ebuna Yandi kwisaka na ntuala Nzambi.

Ndambu 4. Tanga: Yobi 1:8

Yula: Nzambi yulaka Satana inki? (Keti nge me mona muntu ya mbote sielo na mono Yobi?) Yobi pesaka Nzambi kiese to mawa? (Kiese mingi)

Theatre: Mwana mosi sala bonso yandi kele Nzambi. Yandi yula Satana kana yandi me mona muntu ya mbote, sielo na yandi Yobi.

Kitini ya Kuyimba: Yobi pesaka Nzambi kiese mingi.

Ndambu 5 Tanga: Yobi 1:9-12

Yula: Satana banzaka nde Yob: vandaka kusadila Nzambi sambu na inki? (Sambu na mambote na yandi mosi – yandi vandaka na interet na kati na yo. Satana banzaka nde Yobi ta finga Nzambi kana Nzambi sala inki? (Botula bima yandi vandaka na yo) Nzambi pesaka Satana nzila kumeka Yobi na mambu mosi. Inki yo? (Kubaka bima na yandi) Kansi Nzambi buyaka nde Satana kusala inki? (Kusimba yandi)

Theatre: Satana songa Nzambi nde Yobi ke sadila Yandi kaka sambu yandi ke baka bima, nde kana Nzambi katula bima yina, Yobi ta finga Nzambi. Nzambi pesa Satana nzila kumeka Yobi, kukatula bima na yandi, kansi kusimba yandi ve.

Kitini ya Kuyimba: Yobi, Satana ke kwisa kumeka nge-keba!

Ndambu 6. Tanga: Yobi 1:13-15

Yula: Bana ya Yobi vandaka kusala inki? (Kudia na fete na nzo ya mbuta ya fami) Inki mambu ya mpasi bwilaka Yobi? (Bantu ya nsi ya Saba yibaka bangombe ti bampunda yonso na yandi ti fwaka bantu yonso ya kisalu)

Theatre: Bana ke dia na nzo, mwa-distance ti nzo ya Yobi. Muntu mosi kwisa na nzo ya Yobi kutuba nde bantu ya Saba me yiba bambisi yonso na bo, ti me fwa bantu yonso ya kisalu.

Kitini ya Kuyimba: Bangombe, bampunda ye basielo ya Yobi kufwaka – o mawa!

Ndambu 7. Tanga: Yobi 1:16-17

Yula: Keti ntangu mingi lutaka na ntwala mambu ya nkaka ya mpasi bwilaka Yobi? (Ve. Kaka ntangu muntu yina vandaka kutuba, nsangu ya nkaka ya mawa kwisaka mpe.) Inki mambu ya mpasi bwilaka mameme ya Yobi? (Nzazi bulaka bo ti bantu ya vandaka kutala bo, bo yonso kufwaka.) Inki mambu ya mpasi kwisaka na bashamo ya Yobi? (Babandi kwisaka kuyiba bo yonso ti fwaka bantu ya kisalu ya talaka bo.)

Theatre: Bana ya Yobi ke sala kaka fete mwa-distance ti nzo ya Yobi. Bo zaba ve nde mambu ikele. Muntu kwisa kuzabisa Yobi mambu ya mameme, muntu ya nkaka kwisa nswalu kuzabisa yandi mambu ya bashamo.

Kitini ya Kuyimba: Bambisi yonso – kufwaka – ti basielo – o mawa!

Ndambu 8: Yobi 1:18-19

Yula: Inki mambu ya mpasi ya kuluta mingi bwilaka Yobi? (Bana yonso na yandi kufwaka na mupepe ya ngolo ya me baka zelo) Bana ya Yobi vandaka ikwa ya kufwaka? (Kumi—7 bana ya babakala ti 3 bana ya bankento)

Theatre: Bana ya Yobi ke dia kaka na nzo mwa-distance ti nzo ya Yobi. Mupepe ya ngolo kwisa ti zelo, yo bwisa nzo, nzo kubwa ti bo yonso kufwa. Muntu kwenda nswalu na kuzabisa Yobi nde bana na yandi yonso me fwa.

Kitini ya Kuyimba: O mawa! O mawa! Bana kumi ya Yobi me fwaka.

Ndambu 9. Tanga: Yobi 1:20-22

Yula: Yobi salaka inki, ntangu yandi waka mambu yai yonso ya mpasi? (Yandi pasulaka bilele, yandi katulaka nsuki na yandi yonso, ebuna yandi kudilosoka na ntoto ti sambaka Nzambi.) Yai kele mpila beto mpe ke sala na ntangu ya mpasi? (Ndambu bonso yo – beto mpe ke pasula bilele, beto mpe ke katula nsuki, beto mpe ke kudilosa na ntoto. Kansi mbala mingi, beto ke dila. Beto yindula ve kusamba Nzambi bonso Yobi.) Keti yandi fimgaka Nzambi na lombilu na yandi? (Ve, yandi kumisaka zina ya Nzambi ata na ntangu ya mpasi.) Keti Yobi salaka masumu na mpila yandi salaka? (Ve, yandi salaka masumu ve.)

Theatre: Yobi pasula lele, yandi katula nsuki, yandi kudilosa na ntoto, yandi samba sambu na kukumisa Nzambi.

Kitini ya Kuyimba: Yobi kumisaka Nzambi na ntangu ya mpasi.

Mabanza ya nene ya kulonga: Yobi zabaka nde ata yandi kufwa, yandi ta zinga diaka. Mabanza yai sadisaka Yobi na kukanga ntima na kati ya bampasi mingi ya yandi monaka na ntoto yai.

Devoir sambu na bakristo: Sonika bampasi ya nge mona na mposo yai. Songa kana nge me kanga ntima, me kumisa Nzambi na mpasi yina. Beto ta lomba rapport na mposo ke kwisa.

Verse ya kulonga: Yobi 14:14 yonso. (Tula yo na nkunga sambu bana kusimba yo nswalu.)

Invitation: Na ntwala bana basika, binga bayina zola ndima Yesu bubu kubikala sambu bo solula ti nge. Sadila bandinga na lukanu ya kele na luyantiuku ya mukanda yai, to bandinga ya nkaka bonso yo. Kana mwana mosi to ndambu ya bana bikala, solula ti bo ti twadisa bo na Yesu Kristo.

Leso 2 YOBİ partie 2

Leso ya Kulonga: Yobi 2:1-10, 14:14 Foto page 1 diaka

Revisio: Inki bampasi Yobi monaka na luzingu na yandi? (Konso mwana tuba mambu mosi ya mpasi) Inki yandi salaka na kati ya bampasi yina? (Yandi kangaka kaka ntima ti kumisaka Nzambi.)

Ndambu 1. Tanga: Yobi 2:1-3

Yula: Nani kwisaki diaka na ntwala ya Nzambi? (Bawanzio, ti Satana na kati na bo.) Satana vandaka kusala inki ntete? (Kutambula na nsi-ntoto) Nzambi tubaka inki na Satana? (Tala, sielo na mono Yobi me simba lukwikilu na yandi ata nge me meka yandi.)

Theatre: Bawanzio ti Satana kwisa na ntwala ya Nzambi diaka. Nzambi songa Satana kiese na yandi sambu na mpila Yobi me simba lukwikilu na yandi.

Kitini ya Kuyimba: Yobi me simbaka lukwikilu.

Ndambu 2. Tanga: Yobi 2:4-6

Yula: Satana banzaka nde Yobi ta finga Nzambi kana Nzambi sala inki? (Kupesa yandi mpasi na nitu na yandi mosi) Nzambi pesaka Satana nzila ya kutesa Yobi, kansi Satana lenda sala inki ve? (Yandi lenda kufwa Yobi ve.)

Theatre: Satana songa Nzambi nde Yobi ta finga Yandi kana Nzambi pesa yandi mpasi na nitu na yandi. Nzambi pesa Satana nzila ya kupesa Yobi mpasi na kutesa yandi, kansi Satana lenda kufwa yandi ve.

Kitini ya Kuyimba: Satana ke kwisa kumeka Yobi na mambu ya mpasi.

Ndambu 3. Tanga: Yobi 2:7-8 (Yo kele mambu yai ya foto kele kusonga)

Yula: Satana bwilaka Yobi na inki mpasi na nitu na yandi? (Bivimbu mingi, na nitu va mvimba, na ntu tii na makulu) Yobi salaka inki? (Yandi kwendaka na kuvanda na kisika bo vandaka kulosa bima, yandi baka kipesi ya nzungu sambu na kudikwanza bivimbu na yandi.) (Songa foto.)

Theatre: Bivimbu basika na nitu ya Yobi, yandi kwenda kudikwanza yo.

Kitini ya Kuyimba: Yobi kangaka ntima na ntangu ya mpasi.

Ndambu 4. Tanga: Yobi 2:9-10

Yula: Nkento ya Yobi salaka inki ntangu yandi monaka bivimbu na yandi? (Yandi songaka Yobi nde mbote yandi finga Nzambi, yandi kufwa.) Keti Yobi ndimaka mabanza yina? (Ve, yandi tubaka nde beto ke ndima mambu ya mbote ya Nzambi ke pesa beto, beto fweti ndima mpe ata Yandi pesa beto mpasi.) Keti Yobi salaka masumu na munoko na yandi na mpila yandi tubaka? (Ve yandi tubaka mbote. Kele nkento na yandi ya tubaka masumu.)

Kitini ya Kuyimba: Yobi kangaka ntima na ntangu ya mpasi.

Ndambu 5. Tanga: Yobi 14:14

Yula: Inki questio Yobi yulaka? (“Kana muntu kufwa, keti yandi ta zinga diaka?”) NB: Yobi zabaka mbote nde luzingu ya ntoto yai ikele ve nsuka ya sambu na beto. Ata nitu na beto kufwa, beto ta zinga diaka.

Theatre: Yobi ke yula question yai. Bana yonso ke pesa mvutu nde, Ee! Yandi ta zinga!

Kitini ya Kuyimba: Kana muntu kufwa, keti yandi ta zinga diaka? Ee! Yandi ta zinga!

Mabanza ya nene ya kulonga: Yobi zabaka nde ata yandi kufwa, yandi ta zinga diaka. Mabanza yai sadisaka Yobi na kukanga ntima na kati ya bampasi mingi ya yandi monaka na ntoto yai.

Devoir sambu na bakristo: Sonika bampasi ya nge mona na mposo yai. Songa kana nge me kanga ntima, me kumisa Nzambi na mpasi yina. Beto ta lomba rapport na mposo ke kwisa.

Verse ya kulonga: Yobi 14:14 yonso. (Tula yo na nkunga sambu bana kusimba yo nswalu.)

Invitation: Na ntwala bana basika, binga bayina zola ndima Yesu bubu bo bikala sambu bo solula ti nge. Sadila bandinga na lukanu ya kele na luyantiku ya mukanda yai, to bandinga ya nkaka bonso yo. Kana mwana mosi to ndambu ya bana bikala, solula ti bo ti twadisa bo na Yesu Kriso.

NB: Landa mbandu yai na baleso yonso.

Leso 3 YESU TEDIMISA LAZARE

Leso ya Kulonga: Yoane 11:14-26, 32-44

Foto—page 2

Kikuma: Kuzaba nde Yesu kele na ngolo yonso, ata na kutedimisa bantu na lufwa. Yandi mpe kele na ngolo na kutedimisa beto.

Kuyantika: Keti nge me mona muntu ya me fwaka? Nani? Inki nge ta banza kana yandi telemaka na lufwa diaka ti nge monaka yandi?

Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Yesu tedimisaka Lazare na lufwa na nima yandi me vanda na maziamu bilumbu iya. Lumbu mosi, Nzambi mpe ta tedimisa beto na lufwa.

Devoir sambu na bakristo: Songa mpangi mosi histoire yai ya Lazare ti ngolo ya Yesu Kristo na zulu ya lufwa.

Verse ya kulonga: Yoane 11:25

Invitation: Landa mbandu na luyantiku ya mukanda.

Leso 4 YESU TEDIMISA MWANA

Leso ya Kulonga: Marc 5:22-23, 35-43 Foto—p. 3

Kukuma: Kuzaba nde, Yesu kele na ngolo yonso, mbote beto binga Yandi na ntangu ya mpasi.

Kuyantika: Songa histoire ya mwana ya vandaka na fievre ya ngolo. Bantu banzaka yandi ta kufwa. Ntangu mwana zolaka kufwa, bibuti bingaka banganga ya kuluta mayele, kana bo lenda sadisa. Bible ke songa histoire ya tata mosi. Mwana na yandi vandaka penepene na kufwa, ebuna yandi kwendaka kubinga Yesu.

Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Yesu tedimisaka mwana-nkento ya Yairus na lufwa. Yandi kele na ngolo na kusadisa beto na ntangu ya mpasi.

Devoir sambu na bakristo: Konso ntangu nge mona mpasi na mposo yai, nswalu binga Yesu Kristo na kusadisa nge.

Verse ya kulonga: Bankunga 46:1

Invitation: Landa mbandu na luyantiku ya mukanda.

Leso 5. MUKWIKIDI YA NKENTO

Leso ya Kulonga: Luka 7:11-17 Foto – p.4-5

Kikuma: Kuzaba nde, Yesu ke wila beto mawa na bampasi na beto. Bonso Yandi zola sadisa beto, beto kwenda nswalu na Yandi.

Kuyantika: Histoire ya muntu ya ke banza nde mbote beto sosa lusadusi ya Maria, mama ya Yesu, sambu Yesu Yandi mosi ke zola ve kusadisa beto. Yula bana kele na muntu ya nkaka ya ke zola sadisa beto kuluta Yesu Kristo?

Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Yesu wilaka mukwikidi ya nkento mawa sambu mwana mosi kaka na yandi me fwaka. Yesu tedimisaka mwana na lufwa ti vutulaka yandi na mama na yandi na kiese yonso. Yesu ke wila beto mpe mawa. Yandi ke zola mingi kusadisa beto na bampasi na beto.

Devoir sambu na bakristo: Beto sosa nswalu lusadisu ya Yesu na mambu yonso. Konso lumbu na mposo yai, beto songa Yandi bampasi na beto ti sosa luzolo na yandi na kati na yo.

Verse ya kulonga: Luke 7:13 Tula yo na nukunga sambu bana simba yo nswalu.

Invitation: Landa mbandu na luyantiku ya mukanda.

Leso 6. KRISTO KUFWAKA

Leso ya Kulonga: Luka 23-33, 39-43 Foto – p. 6

Kikuma: Kuzaba nde, beto ta vanda sikamosi ti Yesu na zulu kaka kana beto balula ntima ti ndima to yamba Yandi na ntima na beto. Yo yina, beto bakristo tula ngolo kubenda bampangi ya nkaka na lombilu, na mbandu ya mbote, ti na kitemwe na beto.

Kuyantika: Sala theatre ke songa muntu zola kupesa makabu ya mbongo na bana zole. Mwana mosi yamba yo na kiesa ti vutula matondo sambu na yo. Mwana ya nkaka buya yo, yandi kwenda maboko mpamba.

Landa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Bamiyibi zole kufwaka mbala mosi ti Yesu Kristo. Mosi vandaka kusaula Yesu ti kuseka yandi. Ya nkaka zabaka masumu na yandi ti lombaka Yesu kuwila yandi mawa. Kuyibi ya ntete vilaka na masumu na yandi; yandi kumaka ve na bwala ya Nzambi. Kansi yina ya zole kwisaka na bwala ya Nzambi sikamosi ti Yesu. Beto mpe ta kuma na bwala ya Nzambi kaka kana beto balula ntima na beto ti yamba Yesu Kristo.

Devoir sambu na bakristo: Keti nge kele na bampangi to banduku ya me yamba Yesu ntete ve? Keti nge ke bakisa nde bo lenda kuma ve na bwala ya Nzambi kana bo yamba Yesu ve? Mbote beto tula bo na

lombilu mingi. Beto sosa kusonga mbandu ya mbote na ntwala na bo. Beto meka kusolula ti bo na mpila na kubenda bo na Yesu Kristo.

Verse ya kulonga: Luka 23:43

Invitation: Landa mbandu na luyantiku ya mukandoa.

Leso 7. YESU KELE MWANA – NZAMBI

Leso ya Kulonga: Baverse mingi ya kele na p. 7 Foto – p. 7

Kikuma: Beto zaba nde kana beto balula ntima, Nzambi ke sukula beto, ke losa masumu na beto ntama. Beto bakristo baka kikesa sambu beto kele bampika ya masumu diaka ve.

Kuyantika: Kana kima kele kupola, beto sala inki ti yo? (Beto losa yo.) Kana beto me losa yo, keti beto ta kwenda kusimba yo diaka? (Kele ve.) Bubuyai beto zola kumona inki Nzambi me sala ti masumu na beto bakristo.

Longa bandambu ya lesu na mpila beto salaka na baleso zole ya ntete: Tanga ndambu ya baverse, yula baquestion, Sala theatre, ti Yimba kitini.

Mabanza ya nene ya kulonga: Landa malongi ya p. 7. Tula ngolo na kitini ya nsuka, KANA BETO BALULA NTIMA, EBUNA NZAMBI SALA INKI NA MASUMU NA BETO?

Devoir sambu na bakristo: Beto buya masumu, beto vutuka na yo diaka ve. Kana beto kubwa na masumu, beto telema nswalu, beto ndima yo ti bika yo.

Verse ya kulonga: 1 Piere 1:19a

Invitation: Landa mbandu na luyantiku ya mukanda.

Leso 8. YESU KRISTO TELEMAKA

Leso ya Kulonga: Matayo 28:1-8 Foto – p. 8

Kikuma: Kuzaba nde Yesu ke na ngolo kusadisa beto bubuyai sambu Yandi telemaka na lufwa, Yandi kele na moyo mvu ya mvu.

Kuyantika: Kusonga histoire ya muntu tulaka ntima na mfumu ya nene nde mfumu yina lenda sadisa yandi. Kansi na nima ya bilumbu, mfumu yina kufwaka, yandi vandaka kusadisa bantu diaka ve.

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Yesu Kristo me telema na lufwa! Ntangu bankento kwendaka na maziamu na yandi, bo monaka nde yo vandaka kukanguka. Wanzio songaka bo nde yandi me telema.

Devoir sambu na bakristo: Beto kumisa Yesu sambu Yandi me nunga lufwa, yandi kele na moyo mvu ya mvu.

Verse ya kulonga: Matayo 28:6

Invitation: Landa mbandu nma luyantiku ya mukanda.

Leso 9. BETO FWETI KUNUNGA

Leso ya Kulonga: Baverse mingi ya kele na p. 9 Foto - p. 9

Kuyantika: Songa histoire ya bantu zole ke nwana. Mosi ta beba ti mosi ta nunga.

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Beto bakristo lenda nunga mambu yonso ya mbi na ngolo ya Yesu Kristo.

Devoir sambu na bakristo: Beto bakristo lomba ngolo ya Yesu kufulusa beto konso lumbu sambu beto nunga Satana ti mambu yonso ya mbi.

Verse ya kulonga: 1 Yoane 5:5

Invitation: Landa mbandu na luyantiku ya mukanda.

Leso 10. KRISTO KUDISONGA

Leso ya Kulonga: Luka 24:29-31, 33-35 Foto – p. 10

Kukuma: Kuzaba nde bonso Yesu telemaka na nitu ya mutindu ya nkaka, Yandi mpe ta tedimisa beto na nitu ya mutindu ya nkaka, ya kuluta mbote. Beto kanga ntima na bampasi ya ntoto yai, sambu luzingu ya kuluta mbote kele kukwisa.

Kuyantika: Kusonga histoire ya mwana kele kikata. Yandi ke mona luzingu ya mpasi mingi na ntoto yai, kansi yandi kele na kiese sambu yandi zaba nde na zulu, Yesu ta pesa yandi nitu ya mpa ya ta mona mpasi diaka ve.

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Na nima Yesu telemaka na lufwa, balonguki monaka Yandi. Yandi vandaka ve kaka mpeve. Bo monaka

nitu na yandi ti Yandi kudiaka mesa mosi ti bo. Yandi simbaka bima na moboko na Yandi ti solulaka ti bo. Kansi nitu na yandi vandaka ve bonso ya beto. Yandi vandaka na mpila ya kukwenda na sika ya nkaka kukonda kutambula. Nitu na yandi vandaka nitu ya kieleka, kansi nitu ya mutindu ya nkaka. Beto mpe ta telema na nitu ya kieleka, kansi nitu ya kuluta mbote.

Devoir sambu na bakristo: Kana bakristo ya nkaka ke beluka ve na luzingu yai, beto pesa bo kikesa kuzaba nde Nzambi ta tedimisa bo na nitu ya kuluta mbote.

Verse ya kulonga: 1 Korinto 15:43

Invitation: Landa mbandu na luyantiku ya mukanda.

Leso 11. KRISTO KUDISONGA Partie 2

Leso ya Kulonga: Luka 24:33-43 Foto – p. 11

Kikuma: Landa diaka mabanza yai: Kuzaba nde bonso Yesu telemaka na nitu ya mutindu ya nkaka, Yandi mpe ta tedimisa beto na nitu ya mutindu ya nkaka, ya kuluta mbote. Beto kanga ntima na bampasi ya ntoto yai, sambu luzinga ya kuluta mbote kele kukwisa.

Kuyantika: Kusonga histoire ya mwana kele na mayele ve. Yandi ke mona luzingu ya mpasi mingi na ntoto yai, kansi yandi kele na kiese sambu yandi zaba nde na zulu, Yesu ta pesa yandi nitu ti mabanza ya mpa.

Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Na nima Yesu telemaka na lufwa, balonguki kumi na mosi kutanaka na Yerusalemi. Bo ya me mona Yesu songaka ba ya nkaka mpila bo me mona Yesu, ebuna Yesu Yandi mosi kwisaka kumonika na kati na bo. Bo banzaka nde Yandi vandaka mpeve, kansi Yesu songaka bo kusimba yandi, kuzaba nde Yandi vandaka na nitu ya kieleka, kiansi yo vandaka nitu ya mutindu ya nkaka, ye kuluta mbote.

Devoir sambu na bakristo: Landa mabanza yai diaka: Kana bakristo ya nkaka te beluka ve na luzingu yai, beto pesa bo nikesa kuzaba nde bo ta telema na nitu ya tuluta mbote.

Verse ya kulonga: 1 Korinto 15:43, Nika 15:44

Invitation: Landa mbandu na luyantiku ya mukanda.

Leso 12. NZILA YA MOYO

Leso ya Kulonga: Yoane 14:1-6 Foto – p. 12

Kikuma: Kuzaba nde Yesu kele nzila ke pesa moyo mvu ya mvu, ata mosi ya nkaka ikele ve. Yo yina, beto fweti tula ngolo na kuzabisa bampangi yonso nsangu ya Yesu Kristo sambu bo mpe lenda guluka.

Kuyantika: Kusonga histoire ya mwana ke sosa nzila ya kwenda na bwala ya nduku na yandi. Bantu mingi songa yandi banzila mingi, kansi yonso kota kaka na mfinda, ebuna yo suka pana. Na nima, muntu mosi songa yandi nde nzila ya kwenda na bwala kele kaka mosi. Yandi songa nzila ya kieleka, ebuna mwana landa yo. Yandi kuma na bwala na kiese yonso.

Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Na ntwala Yandi kufwaka, Yesu songaka balonguki nde Yandi fweti kwenda na ntwala na bo na kuyidikila bo kisika na nzo ya Tata. Yandi longaka bo nde Yandi mosi vandaka nzila ke kwenda na Tata, ti na bwala ya Nzambi. Muntu yonso fweti kwisa na Tata na nzila na Yandi, sambu nzila ya nkaka ikele ve ya ke kwenda na zulu.

Devoir sambu na bakristo: Sala liste ya bampangi ti ya banduku ya ke zaba ntete Yesu ve. Yantika kusambila bo Nzambi konso lumbu, ti sosa ntangu ya mbote na kuzabisa bo nsangu ya Yesu.

Verse ya kulonga: Yoane 14:6

Invitation: Landa mbandu na luyantiku ya mukanda.

Leso 13. KRISTO KELE KUZINGA

Leso ya Kulonga: Yoane 10:7-15 Foto – p. 13

Kikuma: Kuzaba nde Yesu longaka bantu nde Yandi kele kielo ya mameme. Kristo kele kuzinga sambu na kupesa moyo na konso nani ta tula Yandi ntima. Beto bakristo kuwa boma diaka ve, sambu Yesu kele mvungi na beto, ti beto kele na maboko na Yandi.

Kuyantika: Kusonga kielo. Inki kele mfunu ya kielo? (Sambu bantu lenda kota na nzo.)

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Yesu longaka bantu nde Yandi kele kielo ya mameme ya Nzambi. Mameme na Yandi ke kota na lupangu

ya Nzambi, ebuna bo ke guluka. Nzambi Yandi mosi kele mvungi na bo.

Devoir sambu na bakristo: Inki nge sala ntangu nge kele na boma? Bambuka nde Yesu kele mvungi ke simba beto na diboko na Yandi. Kana nge kele na boma na mposo yai, binga zina ya Yesu na kupesa nge kikesa diaka.

Verse ya kulonga: Yoane 10:10

Invitation: Landa mbandu na luyantiku ya mukanda.

Leso 14. BANZILA ZOLE

Leso ya Kulonga: Yoane 3:1-4, 6-8, 36 Foto – p. 14

Kukuma: Kuzaba nde banzila zole kele na ntwala ya konso muntu: nzila ya Yesu, ya kwenda na bwala ya Nzambi, ti nzila ya lufwa, ya kwenda na bilungi. Beto yonso kele na mfunu na kubutuka ya mpa. Beto butuka ya mpa ntangu beto sola nzila ya Yesu Kristo.

Kuyantika: Bambuka diaka histoire ya mwana ke sosa nzila ya kwenda na bwala ya nduku na yandi. Bantu mingi songa yandi banzila mingi, kansi yonso kota kaka na mfinda, ebuna yo suka pana. Na nima, muntu mosi songa yandi nde nzila ya kwenda na bwala kele kaka mosi. Yandi songa nzila ya kieleka, ebuna mwana landa yo. Yandi kuma na bwala na kiese yonso.

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Nicodeme vandaka muntu ya mbote, muntu ya kwendaka mpe na nzo-Nzambi. Kansi yandi vandaka me

butuka ya mpa ntete ve. Yandi vandaka na mfunu na kusola nzila ya Yesu Kristo.

Devoir sambu na bakristo: Songa histoire ya Nicodeme na mpangi mosi ya nge me tula na lombilu sambu yandi guluka. Meka kutwadisa mpangi yina na Yesu, to nata yandi na kusolula ti mukristo ya nkaka ya lenda sadisa yandi.

Verse ya kulonga: Yoane 3:3

Invitation: Landa mbandu na luyantiku ya mukanda.

Leso 15. SAMBU NA INKI ?

Leso ya Kulonga: Baverse mingi ya kele na zulu ya p. 15.
Foto – p. 15

Kikuma: Kubenda bavidu kutula ntima na Yesu Kristo bonso Ngulusi mpe Mfumu.

Kuyantika: Songa histoire ya mwana ya zola ve kulanda nzila tata kele kusonga yandi. Yandi kota na nzila ya nkaka ya yandi ke mona mbote. Na luyantiku yo kele kitoko, kansi na nima, yandi mona mpasi mingi. Na nsuka, mbisi ya makasi kanga yandi na mfinda, mbisi yina kufwa yandi.

Longa bandambu ya leso na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Beto fweti sola nzila ya Yesu Kristo kana beto zola kumona moyo mvu ya mvu. Banzila yonso ya nkaka ke kwenda na bilungi. (Kuyindula diaka foto ya p. 14).

Devoir sambu na bakristo: Songa mama ti tata ndambu ya baverse nge ke longuka na ecole du dimanche.

Verse ya kulonga: Bisalu 4:12

Invitation: Landa mbandu na luyantiku ya mukanda. Tula ngolo na kutendula invitation bubu, kansi benda bana ve na kingolo-ngolo.

Leso 16. BAKRISTO FWETI

Leso ya Kulonga: Baverse mingi ya kele na nsi ya p. 15.
Foto – p. 15

Kikuma: Kusonga bakristo nde kana bo kubwa na masumu, bo kwenda nswalu na kulomba pardon, ebuna bo landa masumu yina diaka ve.

Kuyantika: Songa histoire ya mwana ya me yamba Yesu Kristo, kansi na nima yandi kuwa makasi, yandi finga nduku na yandi. Yandi kele na mawa mingi, ke zaba ve inki yandi fweti sala.

Longa bandambu ya leso na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Beto bakristo zola kulanda na nzila ya masumu diaka ve, kansi mbala na mbala beto mpe lenda kubwa. Kana mukristo kubwa na masumu, yandi lala ve na potopoto, kansi yandi ndima masumu na yandi nswalu, ebuna yandi bika yo. Nzambi me sila nde kana beto ndima masumu na beto, Yandi ta sukula beto.

Devoir sambu na bakristo: Na mposu vai, kana nge me zaba nde nge me bwa na masumu, ndima yo nswalu na Nzambi. Na nima, kusala yo diaka ve.

Verse ya kulonga: 1 Yoane 1:9

Invitation: Landa mbandu na luyantiku ya mukanda.

Leso 17. MONO TA WA BOMA VE

Leso ya Kulonga: Bankunga 23 Ba Foto – p. 16 ti zulu ya p. 17

Kikuma: Kusonga bakristo nde beto fweti kuwa boma ve, ata kingonsa to lufwa vanda penepene, sambu Nzambi ikele Mvungi na beto.

Kuyantika: Songa histoire ya mwana ya kele na maladi ya ngolo, yandi ke na boma ya lufwa sambu yandi zaba Yesu ve na luzingu na yandi.

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Beto bakristo kele na boma ve ata konso mpasi kwisila beto. Beto kele na boma ve ata ya lufwa, sambu Nzambi ikele Mvungi kele kutambula nzila mosi ti beto.

Devoir sambu na bakristo: Na mposu yai, kna nge kuwa boma, yimba kaka nde, Nzambi kele Mvungi na mono.

Verse ya kulonga: Bankunga 23:1

Invitation: Landa mbandu na luyantiku ya mukanda.

Leso 18. KISIKA YA KINI YA LUFWA

Leso ya Kulonga: Bankunga 23 diaka Foto - p. 17 na nsi

Kikuma: Kusonga bakristo nde beto fweti kuwa boma ve, ata kingonsa to lufwa vanda penepene, sambu Nzambi ikele Mvungi na beto.

Kuyantika: Songa histoire ya mwana ya kele na maladi ya ngolo, yandi ke na boma ya lufwa ve sambu yandi zaba nde Nzambi kele Mvungi kele kukeba yandi.

Tanga Bankunga 23:4. Songa bo histoire ya kele na p. 17, “Kisika ya Kini ya Lufwa.” Ndambu ya bana sala theatre ke songa mambu ya kingonsa ya mutindu na mutindu. Ndambu ya bana yimba mvutu ya bakristo: ‘Bankunga 23:4.

Mabanza ya nene ya kulonga: Landa mabanza yai diaka, nde beto bakristo kele na boma ve ata konso mpasi kwisila beto. Beto kele na boma ve ata ya lufwa, sambu Nzambi ikele Mvungi kele kutambula nzila mosi ti beto.

Devoir sambu na bakristo: Landa mabanza yai diaka, nde beto bakristo kele na boma ve ata konso mpasi kwisila beto. Beto kele na boma ve ata ya lufwa, sambu Nzambi ikele Mvungi kele kutambula nzila mosi ti beto.

Devoir sambu na bakristo: Landa mabanza yai diaka nde, na mposu yai, kana nge kuwa boma, yimba kaka nde, Nzambi kele Mvungi na mono.

Verse ya kulonga: Bankunga 23:4

Invitation: Landa mbandu na luyantiku ya mukanda.

Leso 19. BANTU YONSO IKELE VE BANA

Leso ya Kulonga: Matayo 25:31-46

Foto – p. 18

Kikuma: Kuzaba nde bantu yonso ikele ve bana ya Nzambi, kansi kaka bo ya me balula ntima na Yesu, sambu Nzambi kupesa bo ntima ya mpa.

Kuyantika: Songa histoire ya mwana ya kele kumona nde bantu yonso fweti kuma na zulu sambu bo yonso kele bana ya Nzambi.

Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: (Longi, tala mbote malongi ya nge ta pesa na lesa yai. Ikele ve nde beto sala mbote, ebuna beto ta vanda bana ya Nzambi. Ikele nde beto tula ntima na Yesu, ebuna beto ta kuma bana ya Nzambi, KANSI BANA YA NZAMBI KE ZABANA NA BISALU YA MBOTE YA BO KE SALAKA. Bana ya Nzambi ke zinga bonso bantu ya masumu diaka ve, sambu Nzambi me pindula ntima na bo.)

Devoir sambu na bakristo: Songa mpangi ya nkaka inki mutindu yandi lenda kuma mwana ya Nzambi.

Verse ya kulonga: Matayo 25:46

Invitation: Landa mbandu na luyantiku ya mukanda.

Leso 20. NTANGU YESU TA VUTUKA

Leso ya Kulonga: Baverse mingi ya kele na p. 19

Foto – p. 19

Kikuma: Kuzaba nde bantu ya Nzambi ke monika na luzingu na bo. Bo ya tuba bo kele bana ya Nzambi, kansi bo ke zinga kaka na masumu, kele bantu ya luvunu.

Kuyantika: Songa histoire ya bana zole. Bo zole kwendaka kuyiba. Kansi na nima, mwana mosi monaka mawa mingi. Yandi lombaka pardon nswalu na kudikulumusa yonso. Yandi mpe vutula bima ya yandi yibaka. Mwana ya zole monaka mpasi ve. Yandi kwendaka kusonga banduku na yandi mbi ya yandi salaka. Yandi vandaka kuseka yo. Inki kele luswaswanu na kati ya bana yai zole? Sambu na inki mwana ya ntete ke monaka mawa sambu na masumu na yandi? (Sambu yandi kele mwana ya Nzambi me tula ntima na Yesu Kristo.) Sambu na inki mwana ya zole monaka kiese sambu na masumu na yandi? (Sambu yandi me yamba Yesu ve, yandi kele na ntima ya mpa ve, kansi kaka ya masumu.)

(Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.)

Mabanza ya nene ya kulonga: Mameme to bana ya Nzambi kele bo ya me balula ntima na bo, ebuna bo kele kuzinga kaka na masumu diaka ve, sambu Yesu me pesa bo ntima ya mpa ya ke zola pesa Nzambi kiese. Bankombo kele bo ya ke zinga kaka na masumu konso ntangu sambu Yesu me pesa bo ve ntima ya mpa. Bo me yamba Yesu ve na ntima to na luzingu na bo. Bo ta kota na bwala ya Nzambi ve.

Devoir sambu na bakristo: Tendula na mpangi ya nkaka mameme ya Nzambi ya Satana kele banani.

Verse ya kulonga: Matayo 7:16

Invitation: Songa konso mwana kuyindula yandi kele nani, dimeme to nkombo. Landa lukanu ya invitation na luyantiku ya mukanda yai.

Leso 21. LAZARE KUFWAKA

Leso ya Kulonga: Luka 16:19-22 (Beto ta manisa histoire yai na mposo ya mbasi). Foto – p. 20

Kikuma: Kuzaba nde ntangu bantu ya Nzambi kufwa, bawanzio ke kwisa na kunata moyo na bo na kisika ya mbote, ya kiese, ya ngemba.

Kuyantika: Songa histoire ya mwana ya kele penepene na lufwa. Na ntwala yandi kufwa, yandi mona bawanzio ke kwisa sambu na kubaka yandi. Yandi kele na kiese mingi, ebuna yandi kufwa.

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti yimba kitini.

Mabanza ya nene ya kulonga: Lazare vandaka nsukami mingi. Madia na yandi vandaka kaka yina yandi vandaka kulomba na bantu ya nkaka. Yandi monaka mpasi mingi na luzingu yai, kansi yandi vandaka muntu ya Nzambi. Ntangu yandi kufwaka, bawanzio nataka yandi na kisika ya mbote, ya kiese.

Devoir sambu na bakristo: Yimba ti tendula verse na beto na mpangi ya nkaka.

Invitation: Landa mbandu na luyantiku ya mukanda.

Leso 22. MVWAMA FWAKA

Leso ya Kulonga: Luka 16:19-31 (Beto ke manisa histoire ya beto yantika na mposo me luta.) Foto – p. 21

Kikuma: Kuzaba nde ntangu bantu ya me yamba Yesu ve kufwa, bo kwenda na kisika mosi ya mpasi ti ya mawa, ti bo ke na mpila ve ya kubasika na kisika yina.

Kuyantika: Songa histoire ya mwana ya kele penepene na lufwa. No ntangu yandi kufwa, yandi mona boma mingi, ti na nima yandi kwenda na kisika ya mpasi.

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Mvwama vandaka kuyamba Yesu ve na ntima na yandi. Ntangu yandi kufwaka, yandi kwendaka na sika ya mpasi. Yandi zolaka kubasika na sika yina, kansi yandi monaka mpila ve ya kubasika. Yandi zolaka ve bampangi na yandi kuma na kisika ya yandi vandaka.

Devoir sambu na bakristo: Yimba ti tendula verse na beto na mpangi ya nkaka.

Verse ya kulonga: Yoane 3:16

Invitation: Landa mbandu na luyantiku ya mukanda.

Leso 23 BILUNGI KELE

**Leso ya Kulonga: Baverse mingi ya kele na p. 22
Foto - p. 22**

Kikuma: Kuzaba nde ntangu bantu ya me yamba Yesu ve kufwa, bo kwenda na kisika mosi ya mpasi. Na nima, Nzambi ta sambisa bo ti Yandi ta losa bo na zanga ya tiya. Beto samba sambu na batribu ya nkaka na nsi na beto ya me wa nsangu ya Yesu ntete ve.

Kuyantika: Songa histoire ya mwana ya tribu ya me wa nsangu ya Yesu ve. Ntangu pasteur kwisa na bwala na yandi, yandi ndima Yesu nswalu. Na nima, yandi yula pasteur, “Sambu na inki nge me kwisa na retard? Tata na mono kufwaka na mposo me luta, ti yandi zabaka Yesu ve.”

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Muntu ya me yamba Yesu ve ta mona kaka mpasi na nima ya lufwa na yandi. Ntete yandi ta kinga na sika ya mpasi. Na nima, Nzambi ta sambisa yandi. Kansi yandi lenda nunga ve sambu yandi me yamba Yesu ve. Ebuna Nzambi ta losa yandi na zanga ya tiya.

Devoir sambu na bakristo: Yindula tribu mosi ya me wa nsangu ya Yesu mingi ntete ve. Yantika kutula bo na lombilu konso lumbu.

Verse ya kulonga: Kusonga 20:15

Invitation: Landa mbandu na luyantiku ya mukanda.

Leso 24 MUNTU YAI YINDULAKA

Leso ya Kulonga: Luka 12:15-21 Foto – p. 23

Kikuma: Kuzaba nde beto kele mayele ve kana beto tula mabanza yonso kaka na mambu ya ntoto yai kukonda kuyindula mambu ya kimpeve, sambu luzingu yai kele nkufi kansi beto ta zinga mvu ya mvu.

Kuyantika: Songa histoire ya mwana ya kele kubuya mambu ya kimpeve. Yandi zola ve kwenda na nzo-Nzambi, yandi zola ve

kusamba. Yandi zola ve kuyamba Yesu Kristo. Lumbu mosi docteur kusonga yandi nde yandi kele na maladi ya ngolo, me bikala fioti, yandi ta fwa. Mwana yina yantika kudila, kuboka nde, “Mono ta sala inki?”

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Mvwama vandaka kuyindula kaka mpila na kubumba bimvwama na yandi. Yandi bumbaka bima mingi, kansi Nzambi bingaka yandi zoba, sambu kaka mpimpa yo yina, Nzambi bakaka moyo na yandi, ebuna bimvwama yonso na yandi vilaka.

Devoir sambu na bakristo: Beto yantika kusosa ntete mambu ya ke pesa Nzambi kiese, sambu ntangu, mbongo, bima ti ngolo na beto ya beto kutula na mambu ya kimpeve, yo ta natila beto bamakabu na zulu.

Verse ya kulonga: Luka 12:20

Invitation: Landa mbandu na luyantiku ya mukanda.

Leso 25 LUZINGU YAI KELE NKUFI

Leso ya Kulonga: Bankunga 103:14-16 Foto – p. 24

Kikuyama: Kulanda mabanza yai diaka: Kuzaba nde beto kele mayele ve kana beto tula mabanza yonso kaka na mambu ya ntoto yai kukonda kuyindula mambu ya kimpeve, sambu luzingu yai kele nkufi, kansi beto ta zinga mvu ya mvu.

Kuyantika: Songa histoire ya muntu ya kele penepene ya kufwa. Yandi kele kudila nde, “Bilumbu na mono me vanda nkufi!”

Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini..

Mabanza ya nene ya kulonga: Luzingu ya ntoto yai kele nkufi, ata beto zinga bamvula mingi. Luzingu ya ta vanda nda kele yina na nima.

Devoir sambu na bakristo: Beto buka fleur to dititi mosi bubuyai, beto tula yo na nzo. Beto tanga bilumbu ikwa yo kele kitoko. Beto yindula mbasi inki mambu yonso beto ke sala sambu na luzingu ya nkufi, ti inki mambu yonso beto ke sala sambu na kimfumu ya Nzambi ya ta suka ve.

Verse ya kulonga: Bankunga 103:15

Invitation: Landa mbandu na luyantiku ya mukanda.

Leso 26 KRISTO KELE KUBULA

Leso ya Kulonga: Kusonga 3:20 Foto – p. 25

Kikuma: Kuzaba nde Yesu zola kota na ntima ti na luzingu na beto.

Kuyantika: Songa kielo. Kana muntu zola koto na nzo na nge, yandi fweti luta na inki? (Na kielo)

Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Kana muntu me yamba Yesu ntete ve, Yesu kele kubula na kielo ya ntima ti ya luzingu na yandi. Kana muntu

zola kuyamba yandi, yandi lenda binga Yesu kukota, ebuna Yesu ta vanda na kimvuka ti na kintwadi ti munti yina.

Devoir sambu na bakristo: Deseiner ntima na ntoto ti songa nduku mosi nde Yesu ke zola kota na ntima ti na luzingu na yandi. Tula ngolo kutwadisa nduku yina na Yesu Kristo. Lomba lusadisu ya longi to pasteur kana nge mona ya mfunu.

Verse ya kulonga: Kusonga 3:20

Invitation: Landa mbandu na luyantiku ya mukanda.

Leso 27 KWISA NA YESU

**Leso ya Kulonga: Baverse mingi ya kele na p. 26.
Foto – p. 26**

Kikuma: Kubenda bana na kuyamba Yesu kana bo me ndima Yandi ntete ve. Kusonga bakristo inki mutindu kutwadisa muntu ya nkaka na Yesu.

Kuyantika: Songa histoire ya muntu ya zola yamba Yesu, kansi yandi ke bakrisa ve vandi fweti sala inki. Yandi kwisa na pasteur, yandi lomba: “Songa mono mpila bo ke yambaka Yesu Kristo.”

Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

NB: “Kubalula” disongidila kuchanger nzila nge ke kwenda. Theatre lenda songa muntu ke kwenda na nzila mosi, ebuna yandi beluka, kwenda na nzila ya nkaka.

Devoir sambu na bakristo: Tesa kutwadisa mpangi na Yesu na mpila ya beto me solula bubuyai. Lomba lusadisu ya mukristo ya nkaka kana nge mona yo mfunu.

Verse ya kulonga: 2 Piere 3:9

Leso 28 BANA

Leso ya Kulonga: Baverse mingi ya kele na p. 27
Foto – p. 27

Kikuma: Kuzaba nde moyo ya bakristo ya me fwaka kele sikamosi ti Yesu. Ntangu Yesu ta vutuka, Nzambi ta tedimisa mpe nitu na bo na lufwa.

Kuyantika: Sala theatre kusonga bakristo mingi ya me fwa, ke lala na maziamu na bo. Wanzio bula trompette sambu na kusonga nde Yesu ke vutuka. Ebuna bakristo yina ya fwaka, bo telema diaka na nitu na bo, bo kutana ti Yesu na matuti.

Kabanza ya nene ya kulonga: Kana mukristo me fwa, moyo na yandi kwenda mbala mosi na Nzambi, kansi Nzambi ta tedimisa mpe nitu na yandi.

Longa bandambu ya lesa na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Verse ya kulonga: 1 Korinto 2:9

Invitation: Landa mbandu na luyantiku ya mukanda.

Leso 29

KIESE NA BANTU

Leso ya Kulonga: 1 Tesalonika 4:13-18
Ba Foto – p. 26, ti p. 27 “KIKESA”

Kikuma: Beto bakristo baka kikesa sambu beto zaba nde Nzambi ta tedimisa bakristo na lufwa ntete, na ntwala ya bantu ya nkaka.

Kuyantika: Sala theatre kusonga bantu mingi ya me fwa, ke lala na maziamu na bo. Ya nkaka kele bakristo, ya nkaka vandaka bakristo ve. Wanzio bula trompette sambu na kusonga nde Yesu ke vutuka. Ebuna bakristo yonso ya fwaka, bo telema diaka na nitu na bo, bo kutana ti Yesu na matuti. Kansi mvumbi ya bantu ya nkaka bikala kaka na ntoto. Yula, sambu na inki bantu ya nkaka telemaka na lufwa, kansi ya nkaka telemaka ve?

Longa bonso baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Nzambi ta tedimisa bantu na lufwa mbala zole. Yandi ta tedimisa ntete beto bakristo.

Devoir sambu na bakristo: Beto bakristo kuvanda na mawa mingi-mingi ve na ntangu ya lufwa, bonso bamimpani. Beto zaba nde Nzambi ta tedimisa nitu na beto ntete, na ntwala ya bantu ya nkaka.

Verse ya kulonga: 1 Tesalonike 4:6b

Invitation: Landa mbandu na luyantiku ya mukanda.

Leso 30 NZAMBI TA TEDIMISA

Leso ya Kulonga: Baverse mingi kele na p. 29 Foto – p. 29

Kikuma: Beto landa mabanza yai diaka: beto bakristo baka kikesa sambu beto zaba nde Nzambi ta tedimisa bakristo na lufwa ntete, na ntwala ya bantu ya nkaka.

Kuyantika: Yula: Nzambi ta tedimisa bantu mbala ikwa? (Mbala zole) Yandi ta tedimisa nani ntete? (Bakristo ya me fwaka.) Nani ta bikala na maziamu na bo ntangu yina? (Bo ya me yamba Yesu ve.)

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Nzambi ta tedimisa bantu na lufwa mbala zole. Yandi ta tedimisa ntete beto bakristo, ebuna na nima ya ntangu Yandi ta tedimisa bavidu. Kutelema ya bakristo ta vanda na kiese yonso, kansi kutelema ya bavidu ta vanda sambu Nzambi kupesa bo ndola ya zanga ya tiya.

Devoir sambu na bakristo: Beto bakristo baka kikesa ya mpa na kusadila Nzambi. Sala mambu mosi na mposu yai ya ke lomba kikesa.

Verse ya kulonga: Kusonga 20:15

Invitation: Landa mbandu na luyantiku ya mukanda.

Leso 31 NTUMWA JEAN KE MONA

Leso ya Kulonga: Kusonga 21:1-8 Ba Foto – p. 30-31

Kikuma: Beto vanda kwikama na Yesu, ata bantu kuseka beto, ata na konso mpasi, sambu beto zaba nde beto bakristo ta zinga na bwala ya Nzambi mvu ya mvu.

Kuyantika: Yula bana inki mutindu bo banza bwala ya Nzambi ta vanda. Kuwa mabanza na bo.

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Bwala ya Nzambi ikele ve kaka ngindu. Yo kele kisika ya kieleka, ti beto bakristo ta mona yo.

Devoir sambu na bakristo: Beto bakristo zenga na ntima nde beto ta mona nsoni diaka ve na kuvanda bakristo, sambu beto zaba nde kieleka beto ta zinga na bwala ya Nzambi.

Verse ya kulonga: Kusonga 21:3

Invitation: Landa mbandu na luyantiku ya mukanda.

Leso 32 YOBİ ME NUNGA

Leso ya Kulonga: Yobi 14:14, 19:25-27 Foto – p. 32

Kikuma: Beto bakristo lenda nunga mambu yonso ya mbi ti ya bampeve yonso ya mbi sambu beto zaba nde ata beto kufwa, beto kele na moyo ya mvula na mvula.

Kuyantika: Yula bana kana bo ke bambuka histoire ya Yobi (songa bo foto na p. 1 diaka). Inki questio Yobi yulaka? (Kana mono kufwa, keti mono ta zinga diaka?) Yula bo inki mvutu bo lenda pesa na mpangi,

Longa bandambu ya lesu na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Yobi zabaka mbote nde kana yandi kufwa, yandi ta zinga diaka. Yandi zabaka mbote nde Nzambi ta tedimisa nitu na yandi na lufwa. Ebuna yo pesaka Yobi kikesa na kununga na bampasi yonso ya ntoto yai.

Devoir sambu na bakristo: Sala theatre ke songa mpukumunu ya mutindu ya mutindu, ti bakristo ya kele kununga yo.

Verse ya kulonga: Yobi 19:26

Invitation: Landa mbandu na luyantiku ya mukanda.

Leso 33 KRISTO TA VUTUKA

Leso ya Kulonga: Matayo 24:37-42

Foto – p. 33

Kikuma: Beto bakristo vanda ya kuyilama, beto vanda kwikama konso ntangu, sambu beto vanda kwikama tii ntangu Yesu Kristo ta vutuka. Beto zinga na mpila ya beto ta vanda na kwisa kukuta Yandi.

Kuyantika: Yula bana inki ntangu Nzambi ta tedimisa bakristo na lufwa (na ntangu ya Yesu ta vutuka.) Yo ta vanda inki mutindu ntangu Yesu ta vutuka?

Longa bandambu ya leso na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Mabanza ya nene ya kulonga: Ntangu Yesu vutuka, yandi ta tedimisa bakristo ya me fwaka, ebuna Yandi ta baka mpe bakristo ya kele na moyo tii ntangu yina. Bo ya zaba Yesu ve, Yesu ta baka bo ve.

Devoir sambu na bakristo: Konso yina ya nge yindula kusala na mposo yai, kudyula keti nge ta vanda na kiese kana Yesu kuta nge kusala mambu yina.

Verse ya kulonga: Matayo 24:44

Invitation: Landa mbandu na luyantiku ya mukanda.

Leso 34 TALA! MONO KELE NA MOYO

Leso ya Kulonga: Baverse mingi ya kele na dititi ya nsuka ya mukanda.

Foto--couverture

Kikuma: Beto bakristo tula ngolo na kulanda Yesu mbote-mbote na luzingu na beto.

Kuyantika: Songa foto ya Yesu. Yandi kele na bapapier na maboko na Yandi ke songa bansiku na yandi.

Longa bandambu ya leso na mpila beto salaka na baleso zole ya ntete: Tanga ndambu ya baverse, Yula baquestion, Sala theatre, ti Yimba kitini.

Devoir sambu na bakristo: Yimba bonso lombilu na nge: Mono me sila na kulanda Yesu, kuvutuka yo lunga ve.

Verse ya kulonga: Yoane 14:15

Invitation: Landa mbandu na luyantiku ya mukanda.

Nzambi sakumuna nge, longi, ti pesa nge ngolo mingi diaka na kisalu ya Nzambi. Bika dibundu ya Yesu Kristo kuyela mingi sambu na malongi yai.